

Atuisartunut pisisartunullu siunnersuisoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaata allangortinneqarneranik Inatsisartut inatsissaat nr. 4, 21. maj 2002-imeersoq (Ilaasortalersugaaneq aamma Atuisartunut Pisisartunullu Maalaaruteqartarfittut Ataatsimiititaliap allattoqarfeqarnerata allangortinneqarnera) Atuussimasoq (Historisk)

§ 1.

Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit inatsisartut inatsisaanni nr. 10, 13. november 1986-imeersumi, ilaatigut inatsisartut inatsisaatigut nr. 1, 28. februar 1994-imeersukkut kingusinnerpaamillu inatsisartut inatsisaatigut nr. 13, 12. november 2001-imeersukkut allangortinneqartumi, makku allannguutigittinneqassapput:

1. § 2, imm. 1 ima oqaasertaqassaaq:

"Inatsisip matuma nakkutigineqarnera Atuisartunut Pisisartunullu Siunnersuisoqatigiinnit aamma Naalakkersuisunit imaluunnit taamaaliornissamat Naalakkersuisut piginnaatitaannit isumagineqarpoq."

2. § 2, imm. 4, oqaaseqatigiit aappaat ima oqaasertaqassapput:

"Taamatuttaaq pisinnaavoq inatsimmi matumani § 27, imm. 9 naapertorlugu kapitali 9-p nakkutigineqarneranik isumaginnittuusoq."

3. § 27, imm. 1 ima oqaasertaqassaaq:

"Atuisartunut Pisisartunullu Maalaaruteqartarfittut Ataatsimiititaliaq qulingiluanik ilaasortaqqarpoq ima toqqarneqartunik:

- 1) ilaasortat sisamat Atuisartunut Pisisartunullu Siunnersuisoqatigiit ilaasortamik taakkuluunniit sinniisussaasa akornanni toqqakkat,
- 2) ilaasortaqqarpoq toqqarneqassaaq Arbejdsgiverorganisationen for Handel, Service og Transporthvervene i Grønland, HST-imit,
- 3) ilaasortaqqarpoq toqqarneqassaaq Sulisitsisut Peqatigiiffiannit, GA,
- 4) ilaasortaqqarpoq toqqarneqassaaq Kalaallit Nunaanni Brugseninit, KNB,
- 5) ilaasortaqqarpoq toqqarneqassaaq Pisiffik A/S-imit aamma KNI Pilersuisoq A/S-imit ataatsimoorullugu aamma
- 6) ilaasortaqqarpoq toqqarneqassaaq, inatsisilerituujusussaq, naalakkersuisoqqarfimmit akisussaasumit toqqarneqassaaq."

4. § 27, imm. 2 ima oqaasertaqassaaq:

" Imm. 2. Naalakkersuisunit toqqagaalluni ilaasortaqqarpoq Atuisartunut Pisisartunullu Maalaruteqartarfittut Ataatsimiititaliami siulittaasuussaaq."

5. § 27-mi imm. 9-tut ilanngunneqassaaq:

" Imm. 9. Atuisartunut Pisisartunullu Maalaaruteqartarfittut Ataatsimiititaliap allattoqarfeqarnera Atuisartut Pisisartullu Siunnersuisoqatigiinnit isumagineqassaaq."

§ 2.

Inatsisartut inatsisaat ulloq 1. juni 2002-miit atuutilerpoq.

Namminersornerullutik Oqartussat, ulloq 21. maj 2002

Jonathan Motzfeldt

/

Sólja í Olavsstovu